

Broj: 101-15.816 /16 HH  
Zenica, 19.10.2016. godine

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj:716-15.814-1/16 HH od 19.10.2016.godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

### **ODLUKU**

o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj:716-15.815/16 HH od 19.10.2016. godine u postupku dodjele okvirnog sporazuma za nabavku usluga tehničkog pregleda vozila i radnih mašina, i prihvata se preporuka Komisije za nabavke, da se okvirni sporazum zaključi sa ponuđačem:

**AGRAM d.d. Ljubuški,**

kao najbolje ocjenjenom ponuđaču

prema ponudi protokoliranoj pod brojem: 716-15.181/16 od 04.10.2016. godine, za ponuđenu cijenu od 4.524,33 KM bez uračunatog PDV-a sa popustom, a sa preferencijalnim faktorom domaćeg (15%) u iznosu od 3.845,68 KM bez uračunatog PDV-a u.

II

Prijedlog okvirnog sporazuma dostavit će se na potpis izabranom ponuđaču Agram d.d. Ljubuški, nakon isteka roka od 10 dana, računajući od dana kada su svi ponuđači obavješteni o izboru najpovoljnije ponude.

III

Za izvršenje ove Odluke zadužuje se Komisija za nabavke.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 101-14.637/16 HK od 23.09.2016. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 24 mjeseca

Procijenjena vrijednost javne nabavke bez uračunatog PDV-a je 5.000,00 KM.

Dana 23.09.2016. godine na Portalu javnih nabavki, istovremeno sa objavljivanjem obavještenja o nabavci broj: 439-7-2-371-3-68/16, objavljena je i tenderska dokumentacija.

Poziv za preuzimanje tenderske dokumentacije broj: 713-14.637-2/16 HK od 23.09.2016. godine upućen je sljedećim ponuđačima:

1. AMUIP d.o.o. Zenica,
2. Agram d.d. Podružnica Zenica,



3. Autocentar BH d.o.o. Sarajevo Podružnica Zenica.

Na osnovu Izvještaja o preuzimanju tenderske dokumentacije od strane ponuđača od 06.10.2016. godine u 12:07 sati, utvrđeno je da su sljedeći ponuđači preuzeli tendersku dokumentaciju:

1. BBS Europe,
2. Infostrim d.o.o.,
3. Agram d.d.
4. Autocentar BH d.o.o. Sarajevo.

Komisija za nabavku imenovana je Odlukom broj: 101-197/16 MS od 11.01.2016. godine.

Komisija za nabavku je dana 19.10.2016. godine direktoru preduzeća dostavila Zapisnik o ocjeni ponuda broj: 716-15.815/16 HH od 19.10.2016. godine i Preporuku o izboru najpovoljnijeg ponuđača broj: 716-15.814-1/16 HH od 19.10.2016. godine, u postupku javne nabavke za nabavka usluga tehničkog pregleda vozila i radnih mašina.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 4 (četiri).

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

Dana 07.10.2016. godine Komisija je dopisom broj: 716-15.181-1/16 MS poslala zahtjev za dopunu ponude i prihvatanje ispravke računске greške za nabavku usluga tehničkog pregleda vozila i radnih mašina od ponuđača Agram d.d. Ljubuški. Naime, pregledom Aneksa 1 - Obrazac za cijenu ponude u konkurentskom zahtjevu za dostavu ponuda broj: 713-14.637-1/16 HK – Nabavka usluga tehničkog pregleda vozila i radnih mašina, Komisija je konstatovala računsku grešku, odnosno uočeno je da ukupna vrijednost PDV-a nije pravilno obračunata, a što je uticalo na ukupnu vrijednost ponude.

Također, isti ponuđač je dostavio potvrdu od Vanjskotrgovinske komore BiH za preferencijalni tretman domaćeg u svrhu javne nabavke kod ugovornog organa KJKP „Vodovod i kanalizacija „d.o.o. Sarajevo dok se broj javne nabavke odnosi za nabavku koja je predmet ovog tendera, što je očigledna greška organa koji je izdao potvrdu.

Dopisom protokoliranim pod rednim brojem: 716-15.811/16 od 14.10.2016. godine ponuđač Agram d.d. Ljubuški je dostavio pismeno obrazloženje i dopunu ponude i pojašnjenje u formiranju cijene tehničkog pregleda, odnosno iznosa iz kojih se sastoji cijena tehničkog pregleda prema pravilniku o tehničkom pregledu vozila zbog koje je došlo greške u obračunu do ponude.

Cijena tehničkog pregleda se sastoji iz:

- Iznosa bez PDV koji se sastoji od osnovice za PDV u iznosu od 98% i neoporezive takse u iznosu od 2% ( koja se izdvaja iz budžeta Federacije BiH i budžeta kantona) i PDV-a.

To znači da se PDV ne obračunava na cijeli iznos tako da iznos bez PDV –a sa popustom (iznosi 4.524.33 KM) treba odbiti 2 % neoporezive takse ( iznosi 90,49 KM ), te tako dobijemo osnovicu za PDV (iznosi 4.433,84 KM).

Isti je dostavio ispravljenu Potvrdu o BH porijeklu Vanjskotrgovinske komore BiH.

Ponuđač AGRAM d.d. Ljubuški je dostavio ponudu u vrijednosti od 4.524,33 KM bez PDV-a sa uračunatim popustom, i isti ponuđač je dostavio Izjavu o preferencijalnom tretmanu domaćeg, od VTK BiH. Komisija je na osnovu prethodno navedenog, a u skladu sa članom 67. Zakona o javnim nabavkama (Sl. glasnik BiH broj: 39/14) i Odluke o obaveznoj primjeni preferencijalnog tretmana



domaćeg (Sl. glasnik BiH broj: 103/14) prihvatila predmetnu Izjavu, te je u svrhu poređenja ponuda ista umanjena za preferencijalni faktor od 15%, tako da ponuda ponuđača AGRAM d.d. Ljubiški iznosi 3.845,68 KM bez PDV-a, sa uračunatim preferencijalnim faktorom.

U skladu sa predhodno navedenim ponuđač AGRAM d.d. Ljubiški je dostavio formalno-pravno i tehnički zadovoljavajuću ponudu, te je ista prihvatljiva za ugovorni organ i može biti predmet ocjene shodno utvrđenom kriteriju.

Uvidom u priloženu dokumentaciju, konkurentskog zahtjeva za dostavu ponuda broj: 713- 14.637-1/16 HK – za usluge tehničkog pregleda vozila i radnih mašina, a tokom preliminarog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razloga da izrazi sumnju da je ponuđena cijena ponuđača AGRAM d.d. Ljubiški neprirodno niska.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je rangiranje ponuđača izvršeno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je, primjenjujući kriterij „**najniža cijena**“, Komisija izvršila ocjenu prihvatljive ponude / ponuđača kako slijedi:

**1. Agram d.d. Ljubiški**

sa ukupnom cijenom s ponude od 4.524,33 KM bez uračunatog PDV-a sa popustom, a koja sa uračunatim preferencijalnim faktorom (15%) iznosi 3,845,68 KM bez uračunatog PDV-a,

**2. Autocentar BH d.o.o. Sarajevo, Podružnica Zenica**

Sa ukupnom cijenom ponude od 4.548,00 KM sa popustom bez uračunatog PDV-a.

te dala preporuku da se okvirni sporazum zaključi sa najuspješnijim ponuđačem Agram d.d. Ljubiški na period od 24 mjeseca.

Iz navedenih razloga, primjenom člana 32 i člana 64. stav 1. tačka b. Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



DIREKTOR:

Kahriman Ekrem, dipl.ing.maš.

**DOSTAVLJENO:**

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a